

MUGARDOS

O polbo, protagonista hoxe no municipio

O Concello de Mugardos celebra hoxe a vixésimo sétima edición da Festa do Polbo á mugardesa. O programa dará comezo ás 12.00 horas coa venda de tickets para a partir das 13.00 iniciar o reparto do polbo e da empanada. A cita contará, como é habitual, con animación musical. Trópico de grelos (13.30), Kilomberos de Monte Alto (18.00) e a orquestra Top Líder (23.00) configuran o cartel. Agárdase que milleiros de persoas pasen durante a xomada pola vila.

CEDEIRA

Música

A Praza Roxa acolle hoxe, ás 19.00 horas, o festival folclórico de Buxainas. Mañá, ás 13.00 horas, o programa Música na Rúa permitirá gozar da Asociación de Acordeóns de Cedeira (Paseo da Mariña).

COVAS

Volta a pé á mina prerromana desde Santa Comba

A Sociedade Cultural Columba e a Asociación Mestura organizan esta mañá a primeira volta á mina prerromana de Covas, de asistencia totalmente libre e gratuita. A saída terá lugar ás 10.30 horas desde o aparcadoiro da praia de Santa Comba, que será tamén o punto de chegada sobre as 14.30 horas. A distancia da ruta será de aproximadamente sete kilómetros cunha dificultade baixa. Ao remate, haberá un xantar no restaurante Beceiro para todas aquelas persoas que se inscribiron no mesmo.

Concertos, gastronomía, feira medieval e espectáculo infantil na intensa axenda de Narón

Xosé Manuel Budiño e Mercedes Peón actuarán esta noite, a partir das 22.00 horas, na parroquia de San Xiao

REDACCIÓN FERROL

Moi intensa desde o punto de vista do lecer presentábase a fin de semana no municipio de Narón. Trala inauguración onte do Mercado Medieval no parque fluvial do Río Freixeiro –donde continuará ata o domingo–, hoxe terá lugar, nas inmediacións dos local de San Xiao, o concerto do gaiteiro galego Xosé Manuel Budiño, no que tamén actuará como artista convidada a cantante Mercedes Peón. Será a partir das 22.00 horas e a entrada é de balde.

O Padroado da Cultura de Narón colabora coa AVV "Ceibe" da devandita parroquia na organización dunha actuación que permitirá reunir a dous dous máis salientables expoñentes do panorama musical galego. Durante unha dúas horas achegarán ao público algúns dos seus temas máis coñecidos.

A actividade na zona comezará, porén, unhas horas antes, a partir das 20.00 horas, coa sardiñada-churrascada prevista pola entidade veciñal. Os tickets poderán adquirirse no local en horario de 19.00 a 23.00 horas. O prezo é de 8 euros para os socios e 10 para o resto para cear churrasco e de un euro por cada dúas sardiñas.

A xornada reservará tamén un espazo aos xogos populares e o deporte rural, coa finalidade de ofrecer unha tarde de diversión tanto para os nenos como para os adultos. ●



O mercado medieval foi inaugurado onte pola tarde | DANIEL ALEXANDRE

FESTA DE EXALTACIÓN DA AMEIXA RUBIA NA ALTEADA DE XUVIA

Outra das citas da fin de semana terá como protagonista a ameixa rubia da ría. A esta variedade de marisco está dedicada a décimo sexta edición da Alteada que mañá domingo terá lugar no paseo marítimo de Xuvia. O prezo do xantar será de 10 euros e incluíra ameixa rubia á mariñeira, paella, sobremesa e bebidas incluídas. Un grupo musical amenizará ademais a xornada. A AVV Alteá é a organizadora, xunto ao Concello de Narón, dunha festa que este ano conta coa colaboración da Confraría de Pescadores de Barallobre.

NOVOS ESPECTÁCULOS DE "VERDE QUE TE QUERO VERDE"

O parque da rúa 25 de xullo, no Alto do Castiñeiro, acollerá mañá domingo dous novos espectáculos do programa "Verde que te quero verde". O primeiro deles correrá a cargo de Magin Blanco, que achegará ao público familiar a súa proposta musical "Letrs e notas". Trátase dun contacontos musicados que terá lugar a partir das 12.30 horas. A continuación será a quenda para a actuación de Carlos Mosquera e José Ocampo, que ofrecerán o seu variado repertorio con versións en castelán, galego e inglés de recoñecidos grupos.

ASOCIACIÓNS

Sardiñada en Serantes e festa veciñal en San Juan Bertón

A AVV de Serantes organiza hoxe, a partir das 19.30 horas, unha sardiñada gratuita para os socios e de tres euros para os que non o sexan. Berros de Castro amenizará a cita. Por outra banda, mañá domingo, a AVV San Juan Bertón celebrará, a partir das 14.00 horas no local social, a tradicional festa veciñal. Haberá pulpo, churrasco, postre, pan e viño de xantar e baile co artista Raúl Armada. O prezo da actividade é de 23 euros.

CARIÑO

I Festa do polbo

O Concello de Cariño celebra hoxe, durante todo o día, a I festa do polbo e o churrasco. Xunto á gastronomía, haberá artesanía, animación infantil e música tanto pola mañá como pola noite.

MAÑÓN

Actuación do grupo

O grupo de gospel Kawá Quartet ofrece hoxe, ás 20.00 horas, un concerto na igrexa de Santa María de Mogor, en O Barqueiro (Mañón). É unha cita benéfica a favor da ONG Música para salvar vidas.

PONTEDEUME

Concerto de clausura do Campamento Musical

O campamento musical de Pontevedume, no que desde o pasado luns toman preto dun cento de rapaces procedentes de diferentes puntos da comunidade, botará hoxe o telón co concerto de clausura que a partir das 12.00 horas terá lugar na Alameda de Raxoi. O acto servirá tamén de marco para a entrega de diplomas aos participantes, que durante estes días combinaron a formación musical con variadas actividades ao aire libre.

MOECHE

Cine de verán

O cine ao aire libre chegará esta noite a San Sadurniño coa proxección da película "Atrapa la bandera". A cita terá lugar ás 22.30 horas na área recreativa Souto Grande e a entrada é de balde. O filme ten unha duración duns 97 minutos.

CAAMOUCO

Agrupación Instrutiva e embarcacións tradicionais

A Agrupación Instrutiva de Caamouco (Ares) celebra hoxe, a partir das 20.00 horas, a súa tradicional sardiñada, que contará coa animación musical de Eugenia & Sergio co seu espectáculo "Músicas do Brasil" (21.30). No Porto de Redes tamén haberá actividade durante toda a tarde coa regata-concentración de embarcacións tradicionais, desde as 17.00 horas.

SANTO ANDRÉ

Entrega de premios

A Asociación Camino a Santo André de Teixido acolle hoxe ás 12.00 no seu local o acto de entrega de premios do concurso de fotografía no que participaron 140 imaxes e que concedeu 12 galardóns.

LA ESPUMA

Viaxe aos anos 20

O local La Espuma (c/Iglesia, 90, Ferrol) celebra hoxe, a partir das 20.30 horas, unha festa dedicada aos anos 20 no que haberá música, pinchos e premios aos mellores disfraces. A entrada é gratuita.

CABANAS

Mercado de Santa Marta

O vindeiro día 14 concluirá o prazo para anotarse como posto de venda no Mercadillo de Santa Marta de Cabanas, que terá lugar do 27 ao 30 de xullo coincidindo coa romaría. Máis información no Concello e no teléfono 630 257 436.